

Angajoqqaarsiat atugaasa pitsannorsaavigineqarnissaat aningaasatigullu paaqqinninnermini tigusartagaasa qaffaavigineqarnissaat, taamatuttaaq nerisaqarnermut-, atisarsiuutissat-, kiisalu kaasarfimmiorisartakkanut aningaasartuutaasartut ullutsinnut naapertuuttunngorlugit naleqqussarneqarnissaannik Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Laura Tàunâjik, Siumut)

Akissuteqaat

(Isumaginninnermut, ilaqutariinnut, Naligiissitaanermut Inatsisinillu Atuutsitsinnermut Naalakkersuisoq)

Siullermeerinnineq

Siunnersuutigineqartoq pillugu Inatsisartunut ilaasortaq Laura Tàunâjik qujassuteqarfigaara.

Meeqqanut inuusuttunullu tunngatillugu annertunerusumik sukannernerusumillu nakkutilliisalerit aammalu MIO-p misissuinerini il.il. paasinarsivoq Naalagaaffiit Peqatigiit meeqqat pillugit Isumaqatigiissutaanni anguniarneqartut anguneqassappata anguniagalimmik sulii sulii-niartoqartariaqartoq.

Nakkutilliartortarnerni paasinarsivoq meeqqat inuusuttullu sumiginnagaanissamut atonerlugaanissamullu illersorneqanngitsut ilimagisamiit amerlanerujussuusut aammalu ulloq unnuarlu angerlarsimaffinnut inissineqartariaqartartut massakut pisariaqartinneqartunit annertunerujussuusut. Meeqqanut inuusuttunullu suliaasaqarfimmi isumaginninnerup tungaatigut periusissami malunnaatilimmik allannguisoqanngippat inissiisarnerit amerliartuinnarnissaat ilimagisariaqarpoq.

Meeqqanik inuusuttunillu ukiuni tulliuuttuni sullissinissami Naalagaaffiit Peqatigiit Meeqqat pillugit Isumaqatigiissutaata aallaavigineqartuarnissaa Naalakkersuisut sulii aalajangiusimavaat. Ukiuni tulliuuttuni sulinissami Naalagaaffiit Peqatigiit Meeqqat pillugit Isumaqatigiissutaanik malinnilernissap anguneqarnissaa anguniarneqartariaqarpoq. Tamanna suliaasaqarfimmut inatsisinullu tunngavigineqartunut tunngaannarani qitiusumik naalakkersuinikkut kommuninilu suliniuteqavinnikkut anguneqarsinnaavoq.

Taamaammatt suliaasaqarfinni assigiinngitsuni iliuseqartoqartariaqarpoq. Naalagaaffiit Peqatigiit Meeqqat pillugit Isumaqatigiissutaannik malinnittumik meeqqat inuusuttullu atugarsaannik qulakkeerinninniarneq suliaasaavoq annertoq ukiuni arlaqartuni suliarineqartariaqartoq, iliuseqarnissarli pingaaruteqarpoq.

Meeqqat tapersorneqarnissaannut inatsit nutaaq aqutugalugu massakut meeqqanut inuusuttunullu suliaasaqarfimmi iliuitsit atuuttut aqqissusseqqiffiginissaat pisariaqarpoq.

Pinaveersaartitsinerit ilaqutariillu samminerullugit suleriaatsit allanngortariaqarput. Sapinngisamik ulloq unnuarlu angerlarsimaffinnut sivisoqisumik inissiisarnerit pinngitsoortinnissaat anguniartariaqarparput, ilaqutariillu angajoqqaarsiaasartut annerusumik atulerlugit. Taamatut ineriartorneq iluatsissappat taamatut allannguisoqarnissaanut periusissaliortariaqarpugut. Suliaasaqarfimmi suliniutissani ilaqutariinnut inissiiffiusartunut periusissamik suliaqarluni aallartitsisoqarnissaa Naalakkersuisut pilersaarutigaa. Ilaqutariit inissiiffiusussat eqqortumik

ikorfartorneqartarnissaat anguneqassappat periusissami tassani sulianik ingerlatsisut suliassaat qitiutinneqartariaqassapput.

Angajoqqaarsianut taamatut periusissaliornermi siunertaavoq ilaqutariit inissiivi-gineqartut sulianillu suliarinnittartut pitsaasumik tunngavissaqalernissaat. Tamanna pisin-naassaaq pitsaanagerusumik ilinniartitsinerulernikkut ilitersuinerunikkullu aammalu ilaqutariit inissiiviusartut akissarsiatigut atugarisaasigullu pitsanngorsaaffiginerisigut.

Ilaqutariit inissiiviusartut sulianillu suliarinnittartut piginnaasaat ilisimasaallu ilinniartitsinerit suliniuteqarfiginerisigut annertusartariaqarput, ilaqutariillu inissiiviusussat paarsinissaminnut piumassuseqarnerat, nukissaqarnerat pisinnaassuseqarnerallu qulakkeerlugu siumut ilisimasa-riaqartartussaavagut. Meeqqat ilaat immikkut pisariaqartitsisarput, angajoqqaarsiannngortu- nullu immikkut unaminartuusinnaasarlutik, ilaallu angajoqqaarsiaasunut immikkut ilisima- saqarnissamik pisariaqartitsisuusaratik. Tamakkulu pissutigalugit ilaqutariit inissiiviusussat akuerineqartarnissaannut sakkortunerusumik piumasaqartoqartariaqarpoq.

Siuliani pineqartut tamarmik ilaqutariinnut inissiiviusartunut periusissiasami ilanngunneqas- sapput. Tamatumani sulinermi atugarisat, ilaqutariillu inissiiviusartut akissarsiarisaat qivias- sallugit soorunami pisariaqarpoq. Periusissat sorliit atussallugit tulluarnepaajunersut misis- soqqissaassallugit pisariaqartinneqarpoq. Taamaammat Meeqqat tapersersorneqarnissaannut inatsisissap nutaap atortussanngortinneranut aamma meeqqanut inuusuttunullu iliuuserineqartartut allanngortinniar-nerannut ilaasumik suliassa qarfiup 2018-ip ingerlanerani misissuiffigeqqissaarnissaa Naalakkersuisut siunnersuutigaat. Paaqqinninersiutit qanoq ittuunerisa annertussusiisalu taamatut misissuiffigeqqissaarneranni periuuserineqartussamik iluarnerusumik ataasinnaanerusumillu Naalakkersuisut siunnersuuteqarniarput, tamannalu Naalakkersuisut AIS 2019-imut atatillugu piviusunngortinniarlugu sulissutiginiarpaat.

Soorunami tulluartsuussanngilaq aningaasat tunniunneqartartut kigaatsumik annikkillisikkiar- tortinneqassappata akit qaffiartornerisigut aningaasap nalingata appariartorneranut tulluarsarneqarneq ajornerat pissutigiinnarlugu. Isumaginninnermik aaqquissusseqqinneq tamakkerlugu tunniunneqartartut akinut tulluarsartarnissaat siunertaajuarsimavoq.

Taamaammat Naalakkersuisut ataatsimiinnermi matumani procenti aaqquissutissaq pillugu inatsisissamik saqqummiussiniarput, taannalu aqcutigalugu isumaginninnikkut akinut arlalinnut ingerlaavartumik iluarsiinissanut aammalu pisortat suliassa qarfiini agguaqatigiissillugu akis-sarsiat ineriartornerannut naapertuuttumik tunngaviliillutik. Inatsisissatut siunnersuut manna marlungorlugu saqqummiunneqassaaq; siullermik ataatsimiinnermi matumani iluarsiinissaq immiini pillugu siunnersuummik saqqummiisoqassaaq, kingusinnerusukkullu ataatsimiinnermi akit tunniunneqartartullu sorliit iluarsiiiffigineqassanersut pillugit inatsimmik aalajangersaaffiusumik saqqummiillutik.

Kaasarfimmiussanut atisassarsiuutissanullu akigitinneqartut kingullermik 1. april 2000-imi qaf- faaffigineqarput. Nerisassanut akigitinneqartut kingullermik 1. januar 2009-mi qaffaaffigine- qarput. Naalakkersuisut akigitinneqartut taakku aamma siunissami akinut iluarsisarnissaat sulissutiginiarpaat.

Naggasiutigalugulu erseqqissarneqassaaq meeqqanut inuusuttunullu suliassa qarfik annertuu- nik amerlaqisunillu suliassa qarfiuummat, tamakkulu iluamik suliarinngikkutsigik ukiorpassuit atorlugit qaangerniartussaagatsigit. Ajornartorsiut maani sammineqartoq suliassanngortussat tamarmiusut ilagiinnarpaat, taamaattorli suliassanut tamarmiusunut ilaalluni.

Siunnersuutip matuma UKA 2017-imi aappassaaneerneqarnissaa inassutigineqarpoq, ilaatigut procenti aaqquissutissaq pillugu inatsisip Inatsisartuni suliarinissaa utaqqimaarniarlugu,

ilaatigullu siunnersuutip matuma aningaasanut inatsit pillugu isumaqatiginninnarnissani
ataatsimut pingaartitanut ilanngunnissaa siunertaralugu.